



<i>Saksnr</i>	<i>Løpenr</i>	<i>Arkivkode</i>	<i>Avd/Sek/Saksh</i>	<i>Dykkar ref</i>
08/234-20	6678/09	A10 &00	OPP/OPP/AAKH	

## **VEDTEKTER MED GJELDANDE OPPTAKSREGLAR. KOMMUNALE BARNEHAGAR**

### §1. RETNINGSLINER

Klepp kommune eig og driv barnehagen. Barnehagane skal drivast i tråd med Lov om barnehagar frå 01.01.2006 og krava til helse, miljø, tryggleik og internkontroll.

Barna i barnehagen har eiga forsikringsordning.

### §2. FORMÅL

Barnehagen blir driven i samsvar med:

- Lov om barnehagar med forskrifter, retningslinjer og rammeplan.
- Kommunale vedtak og planar.
- Barnehagen sine egne planar.

### §3. ANSVARLEGE STYRINGSORGAN

1. Hovudutval for levekår er ansvarleg styringsorgan for barnehagedrifta i Klepp kommune.
2. Styrar har det overordna pedagogiske, økonomiske og administrative ansvaret ved den einssilde barnehagen. Samarbeidsutvalet er barnehagen sitt styringsorgan.

### §4. OPPTAK

#### **Opptaksreglar for dei kommunale barnehagane i Klepp kommune frå 01.01.09**

Familien må vera busett i Klepp frå den datoen barnet søker plass, for å få plass i barnehage i kommunen. Barnehagesjefen kan, ved særskilde høve, og etter grunngitt søknad, gjera unntak frå denne regelen.

#### **1. § 13 i Lov om barnehagar:**

*Barn med nedsatt funksjonsevne har rett til prioritet ved opptak i barnehage. Det skal foretas en sakkyndig vurdering for å vurdere om barnet har nedsatt funksjonsevne. Barn som det er fattet vedtak om etter lov om barneverntjenester §§ 4-1 og 4-4 annet og fjerde ledd, har rett til prioritet ved opptak i barnehage. Kommunen har ansvaret for at barn med rett til prioritet får plass i barnehage.*

Dersom desse barna har barnehageplass i eigen skulekrets har dei ikkje prioritet til byte av barnehage. Etter fagleg vurdering av PPT kan det gjerast unnatak frå denne regelen.

## **2. § 12 a i Lov om barnehager**

*Barn som fyller ett år senest innen utgangen av august det året det søkes om barnehageplass, har etter søknad rett til å få plass i barnehage fra august i samsvar med denne loven med forskrifter.*

*Barnet har rett til plass i barnehage i den kommunen der det er bosatt.*

*Kommunen skal ha minimum ett opptak i året. Søknadsfrist til opptaket fastsettes av kommunen.*

### 2. a

I forkant av sjølve opptaket skal dette gjerast av den enkelte styrar:

- Endringar i eigen barnehage.
- Søsken som har plass i andre barnehagar, og kjem inn under retten til barnehageplass.

Dersom det ikkje er plass i den enkelte barnehage til å oppfylla dette blir barna prioritert etter alder.

### **Vidare prioritering av dei barna som har rett til barnehageplass etter § 12 a er slik:**

#### 2. b

Tvillingar/ trillingar som har rett på barnehageplass blir prioritert til same barnehagen. Dette gjeld og andre søsken.

#### 2. c

Barn fra den kommunale familiebarnehagen, som det ikkje er plass til på avdeling for barn over 3 år i same barnehage.

#### 2. d

Ved opptak elles vil dei eldste barna bli prioritert og trekt fyrst. Berre barn som har rett til barnehageplass blir med i trekninga.

## **3. Prioritering for opptak til eventuelle ledige plassar utanom hovudopptaket. Det vil sei for dei utan rett til barnehageplass.**

### 3. a

Barn av flyktningar har rett til prioritet ved opptak i barnehage, så lenge foreldra er med i lovpålagd introduksjonsopplegg.

### 3. b

Barn med spesielle behov, vanskar barnet har som det ikkje er naturleg at § 13 femnar om. Dette må vera dokumentert av faginstans.

### 3. c

Dei som blir eitt år etter 1. september og innan utgangen av året, og som søkte innan fristen blir prioritert etter alder. Dei som blir eitt år etter 1. januar året etter, og som søkte innan fristen, får ikkje tilbod om barnehageplass i løpet av hausthalvåret. Etter 1. januar blir dei prioritert etter alder. Det må betalast for barnehageplassen frå den tida den er tildelt og takka ja til.

### 3. d

Søkarar etter fristen blir prioritert etter alder. Det må betalast for barnehageplassen frå den tida den er tildelt og takka ja til.

## §5. BETALING

Kommunestyret fastsett satsane for foreldrebetaling utifrå § 15 i barnehagelova. Betalingsfrist er den 15. i kvar måned. Uregelmessig betaling fører til at barnet mister plassen.

## §6. OPPSEIING

Det er ein måned oppseiingstid for tildelt barnehageplass. Sluttes barnet etter 15. april må ein betala ut barnehageåret.

Det kan gjerast unntak frå desse reglane dersom eit nytt barn ynskjer å byrja før oppseiingstida har gått ut.

## §7. OPNINGSTIDER

Barnehage, SFO og skule har same oppstartsdato i august.

SU i den enkelte barnehage fastsett den daglege opningstida og ferieordningar innafør gjeldande regelverk og økonomiske rammer.

Maksimal opphaldstid for det enkelte barn som har eit heildagstilbod er 9 t. pr. dag.

Barnehagane er stengde jule- og nyttårsafta. Onsdag før skjærtorsdag stengjer barnehagane kl. 13.00. Det er sett av 5 planleggingsdagar i året for personalet i barnehagane. Desse dagane er barnehagane stengde.

Alle barn skal ha minimum 5 veker ferie i løpet av eit barnehageår. I perioden 1. juni – 15. august skal barna ha 4 veker ferie. 3 av desse skal vera samanhengande. Den 5 ferieveka kan takast ut på planleggingsdagane til barnehagane.

## §8. BEMANNING OG LEIING

Bemanning og leiing må vera i tråd med barnehagelova §§ 17 og 18 med forskrifter.

## §9. LEIKE OG OPPHALDSAREAL PR. BARN.

Klepp kommune har vedtektsfesta norma for leike- og opphaldsareal pr. barn i alle kommunale barnehagar til å vera:

0 – 3 år og funksjonshemma: 5,5 m<sup>2</sup>.  
3 – 6 år: 4 m<sup>2</sup>.

§10. VEDTEKTSENDRINGAR

Endringar i desse vedtektene krev vedtak i hovudutval for levekår.

Klepp kommune, 20.03.2009

Trond Roy Pedersen  
kommunalsjef

Åse Kyllingstad Hatteland  
barnehagesjef